



敬齋  
讀書



光緒丁丑  
仲冬重刊

敝帚齋遺書總目

未灰齋文集八卷

未灰齋外集一卷

讀書雜釋十四卷

小腆紀年二十卷

未刻

周易舊注十二卷

禮記彙解

月令異同疏解

四書虞義

說文引經攷

敝帚齋遺書

總目

小腆紀傳

明史藝文志補遺

延平春秋

徐氏本支世系譜一卷

度支輯略十卷

未灰齋詩鈔四卷

男承

祖禮謹志

欽定  
四庫全書

同治十有三  
年孟冬校刊  
于福州郵舍

做帚齋主人年譜自序

管靈均賦騷紀庚寅之降淵明自祭編甲子之詩臺卿志壙元凱沈碑類皆敘述修能發摠懷抱其不自菲薄一息千古之心非苟焉已也僕生長童土浮沈債台傳舍寄如秦贅囊粟饑於侏儒藝海千尋飲驟鼠之勺水冰署十載滯鮎魚之竹竿鮐仲之生也無益敬叔則喪不如貧計惟荷埋人之錡高沒字之碑幻身世於浮漚溷先生於烏有呼牛呼馬聽客所爲曰龍曰蛇匪賢胡阨无咎無譽不識不知庶鄧禹不至笑人魏收可以藏拙而欲畫混沌之眉目紀螻蛄之春秋則我學山鳥自呼其名人食蛤蜊不知許事矣然而生當

聖代家世業儒溯弧矢於厥初惟門戶之所寄風前翦髻摩

自序

一

頂犬子之呼雪夜橫經提耳鯉庭之訓睠言栝棧敢委逝波十二而識金銀弱冠而遊鬻序言了家禽技逞磔鼠譽之者決爲破浪惡之者嗤爲債轅旣登賢書始觀上國寵吏部高軒之過當陸機入洛之初劉毅乞炙未冷牛心江式談經不辱狗曲經瑣闥之三黜迨閭苑之初遊鴉塗或弃於法家驢券或呼爲博士簪毫東觀修

先皇實錄之書需次西臺勞

御筆屏風之記當夫詬逋人去問字酒來猿擊鐵以傾壺鶴開籠而驗客筍冠狂脫搜秦碑漢碣之文蔗杖歡呼半日下雲閒之選亦復碩人自譽先生解嘲無何黃巾賊起卓帽人歸飛燕磯頭鼓聲沈雨佛狸祠下笳吹呼風醉兵狂舞於荻

船有女舣離於蕞谷縛袴作桓公急裝操楫與樊噲爲伍書  
生叩馬乞渡河蒼兕之師炎帝駟虬流王屋赤鳥之火令我  
至今心悸此事烏可不傳又况江國陸沈故人慷慨怒傷猿  
鶴耳叫鶴鷓西臺朱鳥之吟謝翹痛哭北方赤狐之懼宋玉  
招魂卽或劫灰幸免畏壘僦居而生者吹吳市之簫逝者賦  
山陽之笛望靈修其不見吹參差兮誰思黃祖論心多蛾射  
鳩媒之懼健兒把臂雜雞鳴狗盜之雄鵬賦自嗟鴉音日瘁  
溺人必笑傷如之何又復小艸出山苦匏求濟梁鴻之熱竈  
因人范叔以緜袍贈我息壤在彼燕萋曷忘至於阿輶題詩  
玲瓏遣唱感半出於淪落事不接於風流問影問形或歌或  
泣冀同伯玉之知非竊做門律之自序知交好事譜敘成書

自序

二

見之汗顏棄之可惜以志吾過何恤人言加我數年再增一  
卷若逢日者算磨蝎以占余爲告巫陽早靈龜之舍爾歲在  
戊午孟冬月主人自序於虎邱舟中

敝帚齋主人年譜

同里諸子編輯

承祖

男承禧謹注

承禮

主人姓徐氏名彙字彝舟號亦才江蘇六合人世居南

門外龍津橋南

始祖光福公先世以明勲臣裔世襲錦衣衛帶刀都指

揮隆慶初偕兄弟由上元遷六合遂家焉主人其九世

孫也

曾祖必純公字佩蒼候選直隸州同知元配陳太安人

年譜

繼配樂太安人

祖鑑公字藻亭號遠邨廩膳生候選訓導以主人貴

累贈中憲大夫元配何太恭人繼配汪太恭人

父石麟公字穆如號軼陵廩貢生候選訓導歷署邳州

學正宿遷教諭儀徵訓導以主人貴 累贈中憲大夫

母洪太恭人

兄彙字吉芝歲貢生候選訓導咸豐戊午粵匪陷六合

殉難 贈國子監學錄子雲騎尉世襲罔替入祀昭忠

祠以主人貴 贈封中憲大夫

謹案原譜闕世系今依黎洲金石例補纂以著氏族之源流焉

嘉慶十五年庚午年一歲

是歲夏四月初九日壬辰午時洪太恭人生主人於邑南門外前街之舊宅時贈公年三十九歲太恭人年三十四歲主人兄弟四人長兄蓉次兄吉芝明經三姊蓉姐主人其季也太恭人體素羸主人生五月頭無毛髮家人呼爲秋葫蘆子又呼爲拈藤瓜覓乳嫗不稱意久得孫氏乃安

辛未年二歲

壬申年三歲

癸酉年四歲

是歲長兄蓉殤

甲戌年五歲

年譜

乙亥年六歲

是歲從贈公授毛詩

丙子年七歲

是歲兄吉芝入泮年甫十四歲

丁丑年八歲

是歲隨贈公移居舊宅之後身授尙書

戊寅年九歲

己卯年十歲

庚辰年十一歲

道光元年辛巳年十二歲

先是主人病瘳且不慧從兄弟相撲爲戲嚙皮破不爲



怒叔趾堂公以爲癡讀詩緇文章苦聲牙不成誦書盤  
庚三行終日不省記被贈公答責太恭人謀俟少長令  
學賈而日者謂當以科甲文章顯太恭人告以不能讀  
日者曰是兒尙未扎根原注走無常者謂前  
生未葬爲未扎根過十二歲  
則不爾是歲春二月病幾殆逾月差哮亦頓止贈公授  
以學庸孟子周禮日誦千言授制藝題爲君君臣臣句  
主人成兩大比贈公喜謂兄吉芝曰吾家又得一秀才  
也秋七月大水瘟疫作街衢有舟行者

壬午年十三歲

是歲五六月閒贈公以兄吉芝倉餽事赴江陰主人隨  
侍太恭人一日獨坐書齋大雷雨悌臥榻上逾時雨止

年譜

一物狀如犬自榻下突出緣屋走主人唬告太恭人謂  
眼花夢魔之所致耳少長讀稗官書見有狐避劫事主  
人始自疑然未敢以告人也

癸未年十四歲

是歲赴縣童子試主人以年幼試於內齋初覆題雖蔬  
倉菜羹瓜祭主人結尾一段集毛詩八句叶韵邑侯賀  
吉人先生疑爲勦襲詰之主人對曰詩經耳誰不讀何  
勦襲爲先生笑而賜肴饌焉

甲申年十五歲

乙酉年十六歲

是歲院童子試題不賢者三字主人以周禮左氏傳分

兩大比學使者加墨圈以字蹟太劣且有別字批太麤  
心置之

丙戌年十七歲

是歲縣童子試題孰敢不正至荀子之不欲主人小講  
起句云且爲上者不患民之有敢心而患己之有欲心  
姻家董錫疇茂才亟賞之曰子文有奇氣好爲之主人  
向好弄觀鐙角戲汗流足繭不爲疲自是折節力學

丁亥年十八歲

是歲隨贈公館姚氏邑侯熊民懷先生  
謹案先生名傳 陳道光壬午進士  
試童子拔主人第二人初覆經題授珠玉者以掬授  
弓劍者以袂主人集經語爲儷句上元温翰初先生  
謹案

年譜

先生名肇江道光壬辰  
進士官至戶部主事 閱卷詔爲需才府試余麓門太  
守  
謹案太守名需元 嘉慶己未進士 拔第七人青浦胡編修  
履吉 時以

孝廉主六峯書院講席見主人文曰此他日名進士也  
戊子年十九歲

是歲隨贈公館周麓西先生學署同受業者爲朱臥雲

比部  
麟祺 謹案比部道光丁未進士官刑部主事咸豐癸丑隨侍郎呂賢基赴舒城剿賊陣亡贈知府銜追諡 唐薇階庶常  
嘉德 謹案庶常咸豐丙辰進士由庶吉士出知吉水縣現官湖北  
道  
候補 適學使者郵遞諸生觀風試卷贈公就麓西先生

索觀之先生曰無庸此百十人不逮文郎及諸弟子有  
成就也時比部庶常尙總角不能文惟主人少長無可  
徵信贈公謂先生言誕先生曰僕非妄言者二十年後

當有驗惜我二人不及見耳主人嘗舉以告人莫解其  
故秋院試復被黜冬十月娶沈淑人謹案原譜作恭人  
茲追改下皆做此  
主人好楚詞文選贈公恐誤童子試不之許乃就閨中  
私讀之

己丑年二十歲

是歲縣試邑侯光地山先生謹案先生名謙  
嘉慶癸酉舉人拔主人第

四人主人以不第一人爲恨出不平語自是有狂名府

試蘇鼇石先生謹案先生名廷玉同安人嘉慶甲戌  
進士累官四川總督左遷大理少卿拔

第一五覆四冠其軍比入謁先生曰子文筆明亮不久

滯諸生也秋院試學使者爲申鏡汀侍郎謹案侍郎名  
啓賢延津人

嘉慶壬戌翰林官至  
山西巡撫謚文恪主人入泮又冠其軍

年譜

五

庚寅年二十一歲

是歲沈淑人之舅氏李恩元爲太湖副將招主人往始

遊蘇常有夜渡太湖眞娘墓五人墓詩九月隨李公往

京口有自丹陽達京口詩李武人遇事凌侮主人不樂

辭歸

辛卯年二十二歲

是歲館同里余氏好歐蘇之文作唐肅宗靈武卽位論

悼蘭說讀衛湜禮記集說陳祥道禮書謂足以羽翼注

疏暢鄭孔未達之義箸禮記彙解謂近日八股膚淺取

有明及 國朝諸名家文探索源流而尤好方彛如集

虛齋彙批點至再秋七月大水街衢行舟鄉試改九月

八月始科試學使者汪翼泉侍郎謹案侍郎名守和樂平人嘉慶丙辰翰林  
官至禮部尙書置主人優等餽於庠鄉試下第

壬辰年二十三歲

是歲春正月沈淑人生長子承禧鄉試下第謹案文集是年四月

作六合烈婦陸氏傳

癸巳年二十四歲

是歲科試學使者廖鈺夫侍郎謹案侍郎名鴻荃侯官人嘉慶己巳翰林累官

工部尙書左遷太常寺卿諡文恪置主人優等邑侯文昌雲澹人先生

謹案先生名茂琦道光丙戌進士終於吏部稽勳司郎中修六峯書院月課諸生極

賞主人謂為書院第一人

甲午年二十五歲

年譜

是歲鄉試下第有書懷示內詩云兩字科名春夢老一年心事落花縈之句贈公見之大訶責因焚其藁

乙未年二十六歲

是歲春病目醫家進滋陰降火之劑大劇書院月課至不能自書試卷口授弟子代書之會病瘥不得已進溫燥之劑瘥已而目疾亦少痊歲試三等抑鬱甚兄吉芝以聞於贈公贈公促主人歸不許赴鄉闈婉求之乃可

中式第三人謹案是科闈題君子不以言舉人柔遠人則四方歸之懷諸侯則天下畏之有安社稷臣者以安社稷為悅者也主試為華陽卓海帆閣學

詩江面山樓月照時得樓字謹案閣學名秉恬嘉慶壬戌翰林官至武英殿大學士諡文端襄陽單地山編修謹案編修名懋謙道光壬辰進士房師為侯官林蘇門大令謹案大令恩官武英殿大學士

名春落道光  
乙未進士  
詩文具刻闈墨中

丙申年二十七歲

是歲春正月偕同年吳研塘家相沈蔭溪樾君江浦人沈

君同邑人沈淑人之從子也後君國子監監丞改丹徒縣教諭赴禮部試薦卷不售房

師為黃梅吳檢討文林謹案檢討字稜虛道光己丑進士將南旋贈公寓

書曰汝負過人才氣未經磨鍊宜畱京師少嘗艱苦大

司寇江都史問山先生謹案司寇名致儼見主人鄉墨

喜曰此李石臺一流人也延教其孫司寇家藏書甚富

分經史子集類書詩詞為六大部書匱高與屋齊主人

得次第藉讀之時温翰初先生官農部就正焉因得交

農部之弟明叔學士謹案學士名葆深道光壬午翰林現官戶部侍郎及上元

年譜

七

梅伯言曾亮謹案梅君道光壬午進士官戶部郎中

大江南北為桐城姚部郎兼弟子其為文傳其師法名著馬湘帆沅謹案馬君

者數十年道光己丑翰林江甯何青弼謹案何

君為恪慎公之子道光丙鄧子久兩廡謹案鄧公道

午舉人現官杭嘉湖道光癸巳翰林澗筠制

軍之調陝西行至曲靖為叛將所害諡文愨句容陳

卓人立謹案陳君道光甲辰翰林由御史出知雲南

尤摯時以古曲靖府未任歸君博覽載籍窮心經術與府君交

義相切劘陽湖張仲遠道光癸卯舉人福州陳念

庭金城永春賴子瑩其瑛道光中舉人主人初為唐

四傑駢體之文揮灑輒千百言仲遠子瑩勸以漢魏為

宗讀羣經抄撮眾說念庭勸以專經主人慨然曰吾向

者固未有師承也取所作駢四儷六文暨禮記彙解諸

書拉雜摧燒之以許鄭之書為宗為駢文不取法唐以

後人晝夜攻苦如未嘗學問者三年如一日

丁酉年二十八歲

是歲仍館史氏

謹案文集是年上雲澹人師箋云近課讀之暇讀近儒說經之書雖與宋儒多

所抵牾而其思慮精專堅守師法實足以昌明周孔之

傳而補心性諸儒之過懼其久而散佚擬效賈孔之例

與同志數人集皇清經解諸儒之書批發本未刻行

世者咸十三經後疏之學就中惟易論語稍有端緒云

詩鈔是年有題湯海秋太史懋煒揚君辣輿編采石酌

詩圖七言古風一首接湯君名鵬益陽人道光癸未進

士由禮部主事累擢山東道監察御史以言事罷終於

甲辰七月玩詩詞乃題於捐館後者則當在甲辰乙巳

之閒蓋詩鈔誤編於是年也府君

與君交遊事無所見僅此詩猶存

戊戌年二十九歲

是歲春會試薦卷為固始祝齋畦大鴻臚

謹案鴻臚名慶蕃嘉慶甲

戊翰林累官禮部尚書左遷內閣學士

總裁以額滿置之乃南歸念父母

年譜

八

春秋高不欲遠遊而贈公以主人家食為憂會問山司

寇卒於京師遺言謂延師教讀非徐彝舟不可公子穎

生丙榮 扶柩歸揚州主人感司寇國士之知乃遊揚州

與劉孟瞻 文淇 謹案劉君儀徵人以諸生貢成均屢

深經術治行不苟 念樓 寶楠 謹案劉君號楚植寶應

不愧為純儒焉 人道光 庚子進士即用知縣讀

書維釋三禮國中以策誓 卹勿驅塵不出軌一條余謂

卹勿搔摩一聲之轉偶為全椒金君禹谷望欣寶應劉

君楚楨寶楠言之 禹谷楚楨謂此草廬說為長云未

書已亥六月二十四日 又論語文獻不足故也一條

友人上元楊正倫大培嘗與余言大誥民獻有十夫書

大傳作民儀有十夫獻乃儀之段借字也論語文獻不

足故也當是文儀不足故也此事不得羅茗香 謹案羅

其年金楊二君拾遺春秋朔閏異同說三禮補算皆紹

君甘泉人留心經術尤精布算之法所答四元玉鑑細

述絕學之業儀徵阮文達公嘗謂近日海內言算學者

自徐部郎筠卿後以君稱首焉咸豐癸丑死於揚州之

難陳卓人立梅蘊生植之薛介伯壽訂交間難既多節

記日富有讀書雜釋之作成戴記呂覽蔡氏月令異同疏解四卷箸說文引經攷未成丹徒柳賓叔榮宗以所

箸書見示主人歎其精核乃燬己橐自遊揚州後酬富

唱和詩文漸多

謹案詩鈔是年夜發高郵詩云扁舟三  
日擱魚磯算定歸期未得歸又明年元  
宵後二日抵揚州詩云征衫纔浣去年塵又策疲驢渡  
曉津以詩攷之蓋府君歲杪返里明正復至廣陵也

己亥年三十歲

是歲仍館揚州先是主人博治眾經而苦易義深奧未卒業贈公曰聖人言學易寡過汝不思寡過乎取言易之書博觀之謂王韓程朱之說雖純駁不一而外象數以言性命終非聖人作易之旨取明何楷 國朝惠棟

年譜

九

張惠言姚仲虞之書添注之塗乙之將有周易舊注疏證之作乃詳稽孟京以下諸儒訖於千寶輯周易舊注

若干卷

謹案詩鈔是年有端陽後一日遊莫愁湖七  
言絕句一首可爲府君夏間遊金陵之證是

秋梅蘊生舉於鄉約同人赴計借劉念樓殊不欲行主

人勸之曰君以館穀足謀生不欲舍去計良是顧明歲

爲大挑年若得二等較授徒爲不勞而獲矣念樓諾之

臘盡歸里治裝而贈公患瘰癧主人乃書辭借行之約

前邑侯熊民懷先生過六合勉主人以成名爲孝願假

資斧主人涕泣辭先生深然之是秋九月女阿紅生奉

贈公命爲子承禧聘張氏

庚子年三十一歲

是歲主人與兄吉芝視贈公湯藥夜不解衣就寢鏡下  
校老子疑河上公注爲僞作合王弼注本參攷之成老  
子校勘記既而贈公疾增劇乃捐書簪奔走醫卜三月  
十一日酉刻贈公薨壽七十歲喪葬畢家益困夏大水  
街衢行舟薪米踊貴走天長謁房師林蘇門先生先生  
之同懷弟鑑塘編修春溥舊有四書拾遺一書先生病  
其簡略屬主人推廣之乃上溯漢魏下逮國朝諸儒  
之書有可廣朱注所未備者博採之爲四書廣義若干  
卷謹案文集有懷甯烈女馮氏傳書辛三事皆作於是時不數月蘇門先生卒於  
官謹案文集有祭林蘇門師文公私負累數千金後任陳君葆森請  
於上憲扣雷靈樞家屬令完繳公子觀堂少蘇慶

年譜

十

光兩孝廉晨夕涕泣主人代先生作遺稟上鶴舫相國  
廖鈺夫尙書訴虧累之由反覆千百言淋漓悲痛兩公  
爲感動函致巡撫事得解

辛丑年三十二歲

是歲自天長歸家益困念與史氏爲兩世交公子穎生  
官於皖往依之謹案公子以道光戊戌進士官桐城知縣未幾鬱鬱歸校楚

詞謂王逸注離騷本淮南章句劉向諸儒之說故該治  
詳盡自天問以下十餘卷頗鑿空而談洪興祖補注朱

子章句不可廢成劄記一卷謹案讀書雜釋自敘云戊戌己亥館揚州史氏治月

令見高蔡之義聞優於康成作月令舊解異同讀洪興祖楚詞補注作楚詞校勘記未卒業而聞先大人疾革匆匆卷篋歸榭稟散失過半云云據此是秋復大水自則劄記之作蓋以校勘記未成而爲與



皖城解纜慰銅陵荻港采石皆維舟樹杪田廬漂沒甚  
於往年

壬寅年三十三歲

是歲館同里董氏校毛詩爾雅注疏參攷陳長源段玉  
裁王念孫臧琳邵晉涵郝懿行阮元之書成劄記若干  
卷夏六月贈公服闋秋八月英夷駛入長江鎮江陷金  
陵戒嚴風鶴之驚一日數告與兄吉芝謀奉太恭人避  
居鄉邨太恭人曰吾老矣城破則死耳何鄉居爲固請  
不許乃分遣幼子從親戚遠避爲門戶計亂定復歸是  
秋七月二十三日子承祖生與贈公生同日援鄭小同  
之義呼爲小同爲女阿紅許字陳氏

年譜

七

癸卯年三十四歲

是歲仍館董氏校公羊左氏傳參孔廣森顧棟高劉文  
淇之書成劄記若干卷聞張仲遠捷南關喜極渡江往

晤座中包慎伯

世臣 謹案包君涇

湯雨生

貽汾 謹

進人由蔭襲雲騎尉歷官浙江樂清協副將致仕寓金陵咸豐癸丑殉於粵匪之難謚貞愍君畱心經術工於文詞有儒將之風焉兩先生索觀主人著述歎曰經生而能文章

者自洪稚存孫淵如張皋文孔昉軒劉端臨汪容甫後  
如君才不多遭也勉之由是諸同人戲呼爲江南才子

主人爲畫江南才子諾有題瑤華閣畫梅花帳畫鶴簾  
詩傷咏月餘而歸

甲辰年三十五歲

先是庚子歲大挑部臣請改於是年會試後正月偕同

里慎鸞坡巴種芝謹案慎君名朝元道光丁酉舉人官岳池縣知縣巴君名光誥道光庚子

舉人終於澧溪縣知縣 沈蔭溪公車北上金陵汪梅邨士鐸江緝

菴文熙績學士也場後苦經策不稱意讀主人試艸驚

歎願納交緝菴至欲執弟子禮榜發仍被黜大挑二等

歸益落拓不得志資用乏絕遂絕意名場謀就葉閣學

家教讀姻家張翁位中奇士也哀而進之曰君年幾何

曰三十五老乎曰未也能文章乎曰即拋書二十年足

成進士然則以數十金爲人傭乎曰君休矣僕以告貸

資斧遭人白眼者屢矣何顏爲馮婦乎張翁曰吾資君

行矣出白金五十兩歲杪始爲束裝計

年譜

乙巳年三十六歲

是歲正月將盡偕同里厲紫筠式瑄謹案厲君登舟

北上途中遇吳江仲支仙孫機及其弟博山孫樊謹

光乙未舉人傅君庚子舉人吳縣繆心如嘉穀謹案

今科成進士山西即用知縣常熟王蓉洲憲成張寶卿王張兩君

未舉人由今科進均道光乙未舉人又同於今科成進士授刑部主

事王由給事中擢汀漳龍道而張竟以比部終甚洽博山尤豪放與主人相得恨晚是科同行七人五

登第惟紫筠支仙落孫山焉場前張仲遠招觴芍藥於

吳偉卿比部家座客爲蘇更堂廷魁謹案蘇公高要

河東河道總督陳頌南慶鏞謹案陳公晉江人道光乙未翰林官至

甘泉羅茗香平定張石州穆謹案張君以優學貢成

均學問淵博於漢學源流能

窺其堂奧所箸顧亭林閭潛邱年譜  
徵引博瞻考據精核為世所稱焉  
福州陳念庭涇縣

包孟開慎言謹案包君道光乙未舉人學問淵雅志行醇篤屢試不第以老學究終仲遠被

酒大言曰今日座客皆能讀萬卷書僕白腹無能為役

然使咏芍藥詩恐壓倒元白耳舉座皆醉竟閣筆榜發

主人中式三十名謹案是科闈題人焉度哉人焉度哉

和樂且耽宜爾室家樂爾妻帑至於治國家則曰姑舍

女所學而從我則何以異於教玉人彫琢玉哉詩凡百

敬爾位得賢字經題是故聖人以通天下之志以定天

下之業以斷天下之疑宅乃事宅以牧天下之志以定天

始生易藝書藝春秋藝皆進呈御覽座師為長白

鶴舫相國謹案相國名穆彰阿嘉慶乙錢塘許溟生黃

縣賈筠堂兩尚書謹案許尚書名大淳嘉慶庚辰翰林

道光丙戌翰林官至武商城周芝臺侍郎謹案侍郎名

英殿大學士諡文

年譜

三

卯翰林官至體仁房師為漢軍楊簡侯宮贊謹案宮贊

閣大學士諡文勤撥房師為豐城徐稼生編修謹案編修

光丙申翰林歷官江甯布政使初簡侯先生以主人卷薦溟生芝臺兩先生擊

節賞謂二三場沈博絕麗可第一人會有以二場多說

文古字慮磨勘被議者鶴舫相國顧謂羅椒生學士謹案

學士名慎衍順德人道光乙未翰林官至戶部尚書曰君好古屬君校勘之有譌

舛則君執其咎耳策中問古文尚書別自有二主人據

隋書經籍志衛宏柰簡古文尚書以對問古詩十九首

孰為蔡邕作孰為傅毅作云云主人據徐陵玉臺新詠

對學士校至此起對曰匪特經義原本漢學取才駱選

卽此二條通場無條舉者足壓卷矣相國曰元魁無庸

議予以進士可耳是科江蘇中式十六人主人拙於書  
殿試三甲六十六名引

見班次在十五無館選望

朝考之前一夕主人飲葉棣如閣學謹案閣學名觀儀同邑人道光癸巳進士

所笑問曰論疏款式未習耳閣學亦笑曰如君書法閱

卷官恐未肯閱論疏作妥帖八韻得知縣足矣比入試

保和殿

命題為君子周而不比論恐懼修省以迓和甘疏主人固不

習制科論疏且無得失心論中據左氏忠信為周周天

圖說始終為周義謂朱注普偏義未備據周易比卦說

文人與人相反為比說偏黨義疏中引用洪範五行傳

年譜

古

春秋繁露振筆疾書日午投卷出閱卷大臣元修侍郎

福濟簽其卷面曰擬三等上芝臺先生見之笑曰此君

波磔恐仍三等下耳侍郎曰誠然第徵引博瞻先生取

閱之曰此卷恐是湖南魏源原注賦深以甲辰貢士覆試四等停一科

同試謹案魏君邵陽人道光壬午解元官內閣中書

甲辰成進士出知州咸豐改元督撫及近臣交章薦

旋以直隸州用君經術湛深讀書淵博精於國朝掌

故海內利病瞭如指掌著有聖武記海國圖志皇清經世文編皆

經國之大業也謹案祁公名甯藻壽陽人嘉慶甲戌翰林

官至體仁閣大學士蓋壽陽相國時以戶部尚書入直與鶴

舫海帆兩相國同有總理權且好樸學故欲以棄取決

之也此壽陽見之則大喜謂非讀墨卷八當第一海帆

相國曰鄉會試糊名易書字畫工拙所勿論

殿廷試卷呈

御覽字畫不楷可乎鶴舫相國曰春圃謂翰林須讀書人良是恐奉

上斥駁耳若改二等第一則有詞以對矣議乃定拆彌封見主人名海帆相國笑曰此僕乙未江南第三人第不能書他皆翰林才也壽陽亦笑曰然則竊藻固不識其人非有私矣出謂其鄉人張穆曰子識有徐稟乎穆固狂士遽奮曰天下有幾讀書人焉有不識也壽陽因告以閱卷事且曰君告之不論授何官是我門生無疑也翼日引

見改庶吉士方排班時有三品官問孰爲徐公主人食曰某

年譜

五

是也其人指語眾曰此通人貌亦不俗主人方匆遽不暇問姓名事後每向人言之以聲聞過情爲恥也冬十月乞假歸抵家甫三日邑天井窪埕奸民葛天章等糾眾鬧漕爪傷邑侯張君銘曉額項數千人洵洵欲變葉木齋唐啓三兩封翁懼禍及不敢出主人呼輿夫親友坭止之主人笑曰民非敢爲變也疑官將泊以法耳官亦不欲竟其事懼洵洵之不已耳官民交疑變且立作我一出官民喜此事可了必無遷怒者我何爲不出以

弭變乎否則殃及池魚矣主人至署前眾有跪而訴者

主人私喜其勢不張下輿好語之曉以禍福曰毆傷官

長者罪立梟張公不愛此官汝輩駢首戮矣但渠以寒

士得一官決不欲爲汝輩輕於一擲從我言則無事矣  
眾唯唯乃婉勸邑侯予杖了事是日微主人則變作矣  
張君本乙未同年也

丙午年三十七歲

是歲秋七月子承禮生太恭人以明歲主人有留館之  
試呼小字曰畱爲子承祖聘王氏主人向落魄時固遊  
讌不輟旣歸招飲者無虛日又以資斧告貸有姑蘇邗  
上之遊冬月歸里

丁未年三十八歲

是歲正月元宵前一日主人偕子承禧辭太恭人由揚  
州登舟北上四月館

年譜

六

命題擬楊子雲長楊賦閱卷大臣孫符卿尙書

瑞珍見卷中

有醫醫字笑謂張筱浦侍郎

帶

曰此君不能書而寫難

字可怪也侍郎曰此必江蘇徐樸筆公也文古而字劣  
曩卓祁兩君所以爭也尙書因置二等引

見授檢討蓋葉棣如閣學嘗戲主人曰他人以紫毫書卷子  
乃用樸筆乎因呼爲樸筆公秋沈淑人以子承祖女阿  
紅至京師太恭人以阿畱方襁緜命乳媪畱養之初主  
人雖囊橐無餘錢亦衣食自給自眷屬至京債臺日高  
冬夜不能寐洩溺十餘起知爲脾腎不交之證進大溫  
補之劑數日而愈先是目疾痊而楷書百字輒爲苦服  
藥後昭若發矇始晤前此滋陰降火之劑誤之也自是

肆力於醫謂山東黃氏坤御書有扶陽抑陰之功足明  
仲景絕學而闢丹溪之謬

戊申年三十九歲

時何子貞編修紹基謹案編修道州人何文安公之

於六經子史皆有著述丙申進士博涉羣書究心漢學

搜輯至千餘種卓然為一代之儒宗焉何願船比部壽

過目成誦十三經注疏及光甲辰進士學問淵博讀書

輿地張石州穆皇清經解皆能默記尤精

寺之西偏春秋佳節以牲牢酒醴祀之謹案報國寺在

日大報國慈仁寺亭林年譜注道光二十三年夏何太

史紹基勿貲為先生建祠堂於寺西偏隙地一區架屋

致饗祀焉二十四年落成與祭者自壽陽相國以下

為呂鶴田賢基謹案呂公旌德人道光乙未翰林經

術淹深能傳其家學封翁鵬飛箸有周禮補

年譜

七

義辨論極精公嘗為箋注咸豐癸丑以工部侍郎授

安徽團練大臣於舒城剿賊陣亡贈尚書諡文節羅

椒生檀衍曾滌生翰林歷官兩江總督武英殿大學士

封一等毅勇王子槐茂蔭謹案王公人道

侯諡文正王公闕諡文道光己陳頌南慶鋪蘇更

汀慶雲謹案王公闕諡文道光己陳頌南慶鋪蘇更

堂廷魁金翰泉道光乙巳楊眼授編修孫芝房隸臣

謹案孫公善化人道陳卓人立馮魯川志沂謹案馮

光乙進士官侍講孔繡山憲彝謹案孔公曲阜人

丙申進士官刑部主事於廬鳳穎道光丁酉舉人官至內閣

侍讀學士弱冠能詩才華駿越氣度雄豪尤好輯諸

名流詩賦府君辛亥春有祭顧先生祠哭亡友張石州

詩一首南歸後抵稟徵失後潘季玉曾璋謹案潘公

從公詩冊中錄得見詩鈔注吳縣人潘文恭公

之子時以父廕葉潤臣名禮謹案葉公漢陽人崑臣

官太常寺博士相國之弟道光丁酉舉人時官

內閣侍讀終於浙江候補道公究心經學尙書

禹貢用力最深辨胡册明錐旨之誤多中其失主人嘗

自顧先生祠出遇某閣學於途曰君自名士我不讀書  
不識有顧先生也又嘗酒酣論文爲要人所忌友人某  
私戒之曰古來以文得名者亦以才得禍東林復社可  
懼也主人聞之悚然自是同人酬酢唱和輒以事辭惟  
同鄉何青相陳卓人常共談讌是歲寓達子營命子承  
禧歸覲太恭人納婦張氏

己酉年四十歲

時連歲饑饉度支告匱

廷臣有開礦折漕捐輸之議主人謂銀非耕織所出求之  
末而忘其本非計也箸務本論二卷謹案辛丑夏英夷  
犯廣州御史某請  
開礦助餉府君以爲國用之不足非銀少也恃銀以爲  
用之弊也擬上諫開礦封事其略曰今之籌國用者在

年譜

六

於重農桑而已矣重農桑必先貴粟帛貴粟帛必先禁  
淫侈淫侈禁而後商賈之利微商賈之利微而後耕織  
之人眾耕織之人眾而後粟帛之所出多粟帛之所出  
多而後銀價賤銀價賤而後泉貨之源通云云務本論  
之作亦就前說罄其辨條其法也主人負債數千金酒後與卓鶴溪編

修檮道謹案編修華陽卓文端公之言之自悔成進士

編修曰僕有房一區假居之亦省賃屋錢乃自繩匠術

術移寓粉坊琉璃街編修更葺數椽栽花種竹爲遊讌

所賈湛田公子致思謹案公子黃縣賈公之子

竇少梁比部元灝謹案比部邳州人由刑部員外郎

銜嘗相往來招歌者張荔仙在籍殉難贈知府

以澆愁顧非所樂也每過市見書藉輒典衣購歸積書

數千卷不善書而好秦漢以來石刻積隋開皇以前碑



數百種

謹案是年府君充本  
科直省鄉試磨勘官

庚戌年四十一歲

是歲正月十四日

宣宗成皇帝升遐館臣以將有

實錄館之命發

列聖實錄

聖訓讀之主人讀

純皇帝諭謂史臣不當斥明福唐桂三藩為僞國初王師迅

掃不得不行抗命之誅事後追思諸臣瑣尾閒關有死無

二在人臣忠於所事之義實為無愧又讀

仁皇帝諭謂朱成功乃明室遺臣非朕之亂臣賊子因檢

年譜

九

欽定勝朝諸臣殉節錄諸書告子弟曰大哉

王言至公無我之學也當日史臣不能仰體

宸衷發揚

大旨可謂曠職因仰遵

純廟分注福王年號撮敘唐桂二王本末之諭為小腆紀年

冬十一月充

實錄館協修官

咸豐元年辛亥年四十二歲

是歲春正月隨扈恭謁

慕陵歸聞孫女生呼曰扈兒

謹案是年春日祔文端公集同人祭願先生祠以張石州徵君

祔祀府君哭以詩成  
七律二首載詩鈔中秋七月御史補用將竣

命部院大臣舉所屬掌院以編檢二十二入上

命於八月初一日試於

保和殿初四日引

見記名十六人主人與焉旋充順天鄉試同考官得少司空

景廉等十七人冬充

實錄館纂修官兼

國史館協修官

謹案咸豐二年十一月實錄告成奉旨徐稟著遇有應升之缺儘先題奏

欽此查道光 年八月欽天監奏彗星見主人據以入稟

本總裁某公謂主人刪之主人曰堯舜之世亦有災異

史例凡日食星變地震河決皆書今

實錄不載則

年譜

三

國史天文五行志無所據非信史矣又查軍機處隨手檔

載國子監祭酒勝保請收城門稅奉

硃批此事斷不可行主人謂

先皇帝愛民實政宜垂示子孫某公又刪之主人爭之不得

尋總纂官需人壽陽相國謂徐彝舟可某公曰徐君名

士氣太重竟不行曾滌生侍郎嘗疏言近日人才之弊

翰林閣部差使不取之於學問而取之於小楷

上詢大臣曰翰林中有不善小楷而能學問者乎相國以主

人姓名對一日掌院靜濤尙書 柏蔭

召對畢

上問曰徐翰林有試差乎尙書以徐樹銘徐士毅對

上曰徐彙耳尙書言在

實錄館修書

上復曰有試差乎對曰未也

上默然

壬子年四十三歲

是歲夏五月大考翰詹主人得三等罰俸一年秋八月子承禧應京兆試不售主人既負債萬金日仰屋歎會部臣議推廣籌餉事例許翰詹科道捐外任官乃乞假之中州告貸於商城周子千孝廉冬十一月由光固穎毫歸覲太恭人抵家十餘日而楚北告警風鶴日驚主人以太恭人春秋高決意畱侍或言妻子在都主人曰

年譜

三

有老母在他非所知也亟渡江謁當事請扼九江安慶以禦賊衝制府陸建瀛在豐工未歸藩司祁公宿藻議增高金陵城八尺主人曰金陵城高與都城等能守之卽減八尺無妨也不能守卽增八尺無益也又議扎營棲霞主人曰棲霞在金陵下流賊至棲霞則金陵已烏有矣盜營於東西梁山祁公以藩司號令不能遠行辭主人廢然歸十二月武昌陷始與邑侯今觀察使温公紹原謹案觀察字北屏江夏人由知縣累官江蘇候補道贈布政使銜追諡壯勇謀募鄉勇五百人分五隊以外委達成榮領之操演以備非常

癸丑年四十四歲

是歲正月十九日始聞九江之敗陸制軍單舸奔回金

陵闔城鼎沸主人赴團練局議城守事而請兄吉芝奉

太恭人避居八伯橋之汪莊謹案是月府君條陳機宜開道入奏疏未達而金陵

陷旋奉旨留籍辦理勸捐團練事宜從督撫臣之請也二月浦口金陵鎮江揚州

連陷城中居民遷徙一空謹案金陵之初陷也英夷火輪船駛入長江南帥向忠武

公檄府君與溫壯勇公往定夷酋約時黑龍江浦口駐

浦口者肆淫掠江浦令曾勉禮不敢問府君至浦口賊

遮道號呼府君以情聞於北帥文勤公琦善帥札江浦

六合縣令無論何項兵丁有姦淫婦女搶掠錢財者準

地方官捆拏究辦三月

用是兵民得相安

欽差大臣都統銜琦善公帮辦提督陳公金綬四品京堂

勝保公統大兵復浦口謀進兵揚州主人謂浦口不難

於復而難於守上書各大帥請留兵守浦口六合以防

賊尾襲大軍之後陳勝兩帥過邑之東門外主人與勝

年譜

帥有寮誼面陳之勝以兵少辭數日琦帥來主人揖之

馬前帥許畱吉林馬隊三千人分防浦六尋副都統德

崇額富春穆 參領巴 駐營邑之龍虎營居民

始有固志此為浦六駐大兵之始四月初四日賊再陷

浦口初八日壬午夜自梅官營開道奄至龍池去城三

里溫觀察倉卒率鄉勇出禦主人遣騎告龍虎營之官

兵徒步登城望見鄉勇敗歸浮橋上下舟檣有太平興

國藍布白字旗方鎗愕閒而德都統巴參領已率兵馳

至城下鎗斃執黃旗賊目於浮橋南又連斃之無虛發

觀察亦自城外招潰勇入與官兵併力守禦賊駐南關

外將燬火神塑像數十賊繩曳之不動劈像首刃為之

折酉刻入民舍酒脯羣飲夜三更一賊突呼火起眾驚  
出視則街衢前後民舍皆火駭而狂奔則火出衣袖間  
謫出叫呼展轉灰燼脫走者仍故道走江岸鄉民殲之  
焉是夜城守者聞火光中人聲喧呼驚疑莫測旦遣壯  
士絕城視之則焦頭爛額者橫陳十餘里惟髮長一二  
尺之頭顱尙存視昨晨接仗處則我千總徐琳外委達  
成榮暨鄉勇士兵死者五十三人屍身可辨識取而殮  
之謹案是時江南官軍連挫賊鋒府君慮賊且窮竄上  
書向忠武公條陳四事徵羽黨防衝突杜竄竄嚴軍  
令全書載六月主人病脅痛醫家謂積勞傷陰絡進養  
陰之劑大劇幾殆呻吟中念氣血膠滯而痛通陽庶有  
濟乎試進薑附則霍然愈會有奸人告僑寓之鎮江朱

年譜

三

氏窩藏奸細琦帥令營縣雜治之觀察自其冤遭駁斥  
朱氏乃赴懇於主人主人列其被誣之狀且請以另緝  
奸自任琦帥許之九月賊陷儀徵主人白琦帥請大兵  
攻其東已與温令攻其西琦帥以方拒賊朴樹灣難分  
兵力辭尋函屬主人進兵而琦帥已先一日入儀徵城  
矣遂不果往是月沈淑人以子承禧等歸里主人上書  
江南大帥向公榮巡撫許公乃劍述温觀察防剿功得  
温旨優擢觀察亦稟請大帥以主人主城守事扞搊之役恆

夜不寐除夕宿城上閱邸報京信知呂鶴田侍郎朱臥  
雲比部死桐城之難羅茗香亦死於揚州爲位以哭遣  
城上老兵操鷄豚用月姐墳句云紅心已長香墳艸白

骨難開火宅蓮又云綠水如烟閒放鳴朱樓深鎖不聞鶯全稟不存

甲寅年四十五歲

是歲秋九月主人以賊鋒少挫奉太恭人入城寓北門之林姓宅時温觀察亦列官紳保衛功於上憲主人以團練勸捐分內應爲之事不願邀獎敘啓諸大府巡撫吉爾杭阿公批云該紳之辭温令之請是官是紳可謂兩得奏請加

恩奉

旨加贊善銜仍畱籍辦理勸捐團練事宜主人以責無旁貸銳意整飭會與觀察論事齟齬主人慮以官紳不和誤

年譜

丙

大局乃效信陵君深自韜晦謹案吾邑於癸丑春設團練保衛局府君與温壯勇之法編團練章程刊行遠近賊三犯東溝團勇三敗應是年四月龍池之戰賊敗走南鄉者團練復尾而賊之是時賊之由滁州而上者連陷鳳陽穎亳歸德遍開封攻懷慶破臨洛關掠直隸界京都大震獨至六合輒敗忿甚爲之語曰紙糊揚州鐵鑪六合事聞 詔書褒美倘至中有六合是吾邑團練之名聞天下焉

乙卯年四十六歲

是歲太恭人年八十歲多病主人乃不復夜飲督家人侍湯藥太恭人偶進飲食則坐齋中理小腆紀年未卒之業五月二十七日卯刻太恭人薨主人以賊氛逼近急謀窀穸於六月二十六日耐葬於蕭家澗之祖塋竭力經營不以貧廢禮焉

丙辰年四十七歲

是歲春正月二十九日揚州大營潰北帥將軍托明阿  
走蔣王廟先是王子冬月主人與溫觀察所募鄉勇半  
土著回民習技勇者鑒於癸丑四月龍池之敗辭不願  
充觀察亦以回民戀家室別募徐海壽州人及江上弄  
潮者合四千餘人爲徐勇海勇壽勇南勇募北鄉之巴  
山北獨山七堡五百人爲北勇分隊防守屢著戰功回  
民顧不得與頗快快主人念各勇皆流寓人事急且潰  
走回民家在城中可用以城守乃募數百人爲後隊自  
領之三月初九日江浦失守主人親督登埤十二日鎮  
守浦口之總兵武慶棄營走邑之南關外居民號呼奔

年譜

三

竄我管帶海勇之都司秦懷揚固與武慶不相能乘其  
敗挫辱之主人謂勝敗亦兵家常事好言慰撫勉武慶  
以立功贖罪適向帥檄張鎮軍

國樑

渡江來援眾勇聞

之踴躍思鬪十四日辰刻觀察率秦懷揚等以海勇壽  
勇會師禦賊於龍池主人以回勇守南關外之士橋爲  
後繼命居民煮飯烙餅以餉戰士賊在二十里外偵者  
以告張公戒勿動十里又以告諸將請出隊張公曰未  
可言笑如常近二三里張公乃發號檄解衣著屮屨跨  
馬出陣前顧謂民夫之築壘者曰汝輩第樹鋤鋤吶喊  
助吾威看吾軍破賊也戰始合秦懷揚以所部張左翼  
出僞爲退避狀觀者色懼張公曰此秦軍欲致賊耳三

卻三進賊乃突我右軍一黃衣賊麾旂進張公顧謂外  
委某曰此楊國宗悍賊也汝爲我取之某應聲領小隊  
五人往賊發火鎗五人者伏於地烟未散則已蛇行前  
荆國宗墜馬斬其首歸我軍呼聲動天賊大敗追至藏  
軍營賊又敗猶踞葛塘集固壘爲持久計十六日三鼓  
張公拔寨起一賊呼張妖來方食棄鍋竈走追至盤城  
集逼其壘而軍有傳賊另隊乘虛走西路襲縣城者主  
人乃率回勇過程駕橋拒之王家渡賊方噪呼架大木  
爲橋忽聞鎗礮聲則我旗幟滿山駭而逸主人度賊去  
遠乃整隊過河歷張家堡葛塘集遍踏昨交戰處撫慰  
居民之被焚戮者是時賊已棄浦口入江浦城觀察命

年譜

美

都司夏定邦藍新恩守備王家幹督勇會張公攻克之  
畱兵駐守張公乃渡江去時代北帥者爲都統德興阿  
令武慶駐浦口之舊營爲援武慶以營破無鍋帳辭主  
人令千總田沅輦蘆席鍋竈往助之沅歸謂主人曰空  
費錢耳渠軍中言賊再來將自滁州走不復出六合爲  
秦懷揚所殺矣主人乃列武慶前後罪狀於德帥德帥  
固與武慶暱且以克復浦口江浦爲之功奏請開復矣  
接主人啓大呵斥主人抗章申駁侃侃二千餘言眾皆  
危之主人曰我候缺言官此我職也何敢懼禍身以誤  
國事哉且彼情見理屈欲以大言相恫喝耳盛氣折之  
懦夫無能爲也德帥果檄總兵安勇來代將且慰主人



先是觀察欲張大聲威誇言募勇七八千人巡撫吉爾  
杭阿公信之檄調渡江助攻鎮江觀察不得已既命弟  
知縣綸與夏定邦守備徐鎮海往慮不足任則議以秦  
懷揚王家幹之勇繼之主人謂掃境以徼外功脫賊乘  
虛來噬臍何及力爭之事得已會觀察厭地方事請之  
巡撫願解本任帶勇自效巡撫許之檄李君守誠來代  
主人謂地方防堵事合之則兩益分之則兩損遍啓江  
南北大帥及督撫藩臬陳觀察不可卸六合任狀言溫  
守數年來指揮如意者以其爲有印之官且歷年之久  
事權一而不分威勢積而愈重故事半而功倍也反覆  
千餘言大府深然之乃以觀察署江甯府而檄李君到

年譜

七

知縣任用是觀察與主人益相左主人恍然曰北屏慮  
京員撓權故不相能我敢忘廉藺之事乎因盡謝所事  
杜門著書冬十一月大府上主人團練功

特命以知府用先換頂戴

丁巳年四十八歲

是歲春三月二十三日孫守官生以兄吉芝長子承祜  
早逝無嗣命守官爲之子主人既盡謝諸務總局事皆  
任君宣主之絕不相關自端陽日北勇缺五日餉突入  
總局擁任君出將甘心焉主人方食輟箸出溫觀察亦  
以親軍小隊至北勇乃棄任君跳城出觀察將以軍法  
行各隊勇皆譁主人謂持之急則變生且亦不利於任

君告諸將弁約束所部無譁請觀察捕渠魁下獄而陰屬勇目求解於任君以見德鞭數人革二十四人事乃解時觀察以事爲德帥所劾革職畱效慮人或慢之主入顧盡力且禮貌有加尋觀察復職陽鱗者又來觀察深鄙之謂任君曰惟徐彝舟有長者風耳以是夙嫌盡釋相好如初焉秋八月太恭人服闋主人將起復赴部貸資斧於親友賴任君左右之念將有地方之責不暇爲儒生事衰集所箸書分卷抄錄九月爲子承禮聘姚氏冬十月歸女阿紅於陳氏反馬禮畢乃請咨選文於巡撫爲蘇州之遊主人久不出門兼兵火後知交契濶抵揚州始知劉孟瞻楚楨包孟開皆物故抵蘇州晤繆

年譜

三

心如同年始知卓鶴溪金翰皋吳竹言

福年君錢塘人

謹案吳道光

乙巳

翰林孫芝房仲博山先後捐館大有山陽之勳十二月

以事赴東臺與周啟甫

騰虎進諸生

謹案周君武候選主事

蔣鹿潭春霖

謹案蔣君時官兩淮鹽大使

訂交署款日受業益府君雖處

之儕友不以師道自居而鹿潭終執弟子禮也

除夕之前一日始歸家旅次得

詩數十首自戊午元旦以後主人以將宦遊乃日記其事容續輯另爲一卷焉

同治甲戌季冬

精  
氣  
神  
本  
齋  
刊  
行

本齋刊行

做帚齋主人年譜補

及門諸子編次

承祖

男承禧謹輯

承禮

謹案府君自序年譜至咸豐七年十二月止自八年正月迄於同治紀元八月中凡五載府君以游宦事繁則日記其事承禧等不才不能表章遺行謹與及門諸君排比歲月遵前例而續之無餘詞無溫美後之君子尙其有攷於斯

咸豐八年戊午年四十九歲

年譜補

是歲春正月主人偕子承祖門人汪次安

達利

北上抵

揚州丁劍溪

土鶴

來執贄迂道至東臺訪周敬甫

騰虎

蔣鹿潭

春霖

作吳孝子家梅樹重藝記過羊流店題壁

謹案羊流店晉羊叔子故里在新泰縣西北六十里南北孔道也

登泰山謁岱宗廣訪

唐元宗紀太山銘磨崖碑三月望至都四月夷船駛入

楊邨官軍奉議款

密旨莫敢進擊廷臣爭者數十人王侍郎茂蔭殷學士兆鏞

尹御史耕雲言尤痛切而樞臣扼之卒不用主人擬請

定戰守疏彙漏初下走謁商城尙書求入奏閣人以已

就寢辭乃廢然歸寓

謹案日記致同年蔣叔起比部啓云昨與閣下談津門事感喟不能

成寐前數日就管見擬爲疏彙編謁臺閣諸公以其爲積薪也棄之國家縱之人才柰何使年例出外之京

員曉曉多言不亦惡乎然妾婦帥緯爲已將及野人獻曝自媚於君閣下今之有心人以爲有當虞箴否也

時同人惟潘木君中丞謹案中丞名鐸江甯人道光壬辰翰林時以河南巡撫罷官居

京師同治元年苗氛熾朝議起公爲雲貴總督而是時中軍某已有異志諸大吏皆爲所制先後代者率寓

公黔境遼巡不前公毅然而往某具囊韃郊迎甚恭而時以危言迫脅公以大義責之遂遇害贈太子太保諡

忠宋雪帆侍郎謹案侍郎名晉深陽人道光殷譜經學

士謹案學士名兆鏞吳江人道光何地山中允謹案中

謙定遠人道光乙巳翰林現官吏部右侍郎李子和方子徵何心甫三給諫

林現官工部左侍郎義州人道光乙巳翰林現官閩浙

總督方給諫名睿願定遠人道光甲辰翰林現官兩淮

鹽運使何給諫名桂芬江甯人毛煦初尹杏農輝次山

道光乙巳翰林官至陝安道毛煦初尹杏農輝次山

何青相因侍御謹案毛侍御名昶熙武陟人道光乙巳

源人道光庚戌進士現官河南陝汝道輝侍御名世臨

年譜補

前林穎叔閻丹初蔣叔起陳伯敏卓人五部郎謹案林

壽圖閩縣人道光乙巳進士謹案林願官陝西布政使閩部郎

名敬銘朝邑人道光乙巳翰林謹案林願官山東巡撫以疾歸

起爲戶部侍郎辭不赴蔣部郎名超伯江都人道光乙

巳進士現官廣東候補道伯敏部郎名魯上人道光

府卓人部郎事蹟詳前譜賈湛田公子致恩謹案公

凌損園孝廉煥現官江蘇候補道常共談讌然無復曩

時之盛矣秋七月朔日引見授福建福甯府知府初三日謝

恩勤政殿

上詢主人年齒及里居防堵事甚悉主人具以對

上曰汝曾見陣平主人對曰賊至二十七次臣皆隨同出隊

臣一人督戰者二一四年五月賊燒邑南鄉之梁塘鋪

梅官營分犯通江集溫紹原深入被圍臣督勇往救適有鄉團數千人不期而會賊解圍亂竄臣與溫紹原追至江邊擒斬數十人落水死者百餘人一六年三月溫紹原與總兵張國樑會師禦賊於龍池連戰破之賊分兵閒道自西路襲城溫紹原不能兼顧臣督勇自南門穿城出西門迎至三十里外之王家渡賊與鄉民隔河相拒謀笮筏以渡臣整隊上山分樹旗幟吹角開鎗賊駭謂大眾且至又張國樑溫紹原已再破之葛塘集追至浦口賊乃棄王家渡而走臣渡河徧歷官軍破賊處撫慰居民之被焚掠者仍自南門回城

上曰爾督戰不能不殺人主人對曰臣紳士無專殺之權惟

年譜補

三

三年四月賊逼城垣臣在鄉獲奸細十餘人若解赴地方官慮中途有變臣訊明就地正法平時仍由溫紹原專主臣不敢專殺

上曰六合勇餉曾取之糧臺乎主人對曰皆臣與溫紹原勸捐籌備日需制錢五百貫歲需二十萬貫經理七年之久民力已竭

上曰汝來京六合捐輸團練事孰任之主人對曰始溫紹原任地方官事煩臣勉力襄事自溫紹原革職辦防堵臣慮其呼應不靈已將臣事全付之以一事權矣

上曰新令李守誠能了是事乎主人對曰守誠亦清勤好官惟六合南逼金陵西接滁來實爲廬鳳管轄防堵事非

温紹原不可了

上領之至再八月十一日出都壽陽相國手亭林年譜以贈

行謹案府君書亭林年譜後云是書舊有石州手贈一冊壬子南歸後失去戊午八月將赴福甯任春圃師以是冊及楹帖贈師友離別之戚於是書為多云九月朔日次清江浦聞浦口

大營為賊所襲北帥德興阿走揚州賊進圍六合探家

人消息不得渡江抵常州鄉人避難在者知府平瀚慮

人眾將逐之羣情洶洶主人為告於趙伯厚侍講振祚

約已在城賃居者勿動後至者不得入擇四人為首領

主稽查眾始帖然泊無錫沈淑人偕子承禧挈眷至孫

守官以驚風殤於途是月十九日六合陷温北屏觀察

李次生大令及官紳數十人皆死之詳見六合官紳士民殉難記主

年譜補

四

人抵桐廬聞報登嚴子陵釣臺北望慟哭曰遂使鉞打

城垣一朝瓦碎儒帥之罪可勝誅乎冬十一月至福州

十二月十七日到福甯府任始得兄吉芝之訃姪婦姚

氏吳氏姪女素玉姪孫女雲姐殉焉率子弟設位哭作

家人殉難記謹案日記致温大令綸書云秋杪吳門握別厚意殷殷方冀國家威靈神明佑庇

兩家骨肉獲與一邑士民同免紅羊之劫行抵浙東驚

聞六邑失守未肩遽信到聞謁督憲於延平讀和帥奏

稟始知都轉公嘉裂睢陽之昔沈汨羅之屍在城官紳

士民同焚焜火嘉中甸族入逃難來甯郡始知官芝

家兄暨姪媳姚氏吳氏姪女素玉姪孫女雲姐以罵賊

被戕聞信之下痛不欲生第念一家見存數十口嗷嗷待哺幸免湯火同遭此厄夫復何言惟有交相勸勉以

原期幸免湯火同遭此厄夫復何言惟有交相勸勉以

敵及尊嫜夫人令姪輩下逮一邑殉難士民竄處未悉底

裏應由足下查報詳請人奏俾忠魂是月鈔小腆紀年

殺魄不與城垣俱歿是所厚望也

二十卷成更采舊聞爲小腆紀傳除夕輯徐氏本支世系譜一卷

己未年五十歲

是歲春三月聞沈紫卿同年死梧州之難

謹案沈君名炳垣海鹽人

道光乙巳翰林咸豐丁巳以左庶子視學廣西按試至梧州城陷遇害贈內閣學士兼禮部侍郎銜諡文節日記有云紫卿爲人醇厚正直城陷後兩年無消息節人料其必抗節今果不負知已然而感逝傷離益戚戚矣

哭而弔之府城西郊山礁下爲叢葬所先是癸丑夏大水

水齧土敗棺骸骨委積至是邑貢生劉汝欽以告主人

命劉生督工檢視之得男骸百七十五具女骸六具捐

廉擇高阜築大家埋之作大家碑文文庸久失修廊廡

及明倫堂崇聖祠皆傾圯大成殿亦剝落不完悉建而

年譜補

五

新之

謹案甯郡名宦鄉賢各祠亦多傾圯府君以物力不繼未遑越四年程君榮春權府事始鳩貲完葺

之而教授李家輝作碑記以修文廟事歸之程君非事實也

書院舊無藏書自辛亥

後科第久輟舉業日靡每科試學使者蹙額攢眉無可

取錄主人念諸生中頗有苦心力學之人而終年不窺

十三經廿四史是以學無根柢乃捐俸購十三經注疏

史記兩漢書三國志南北史新五代史暨皇清經解

昭明文選類書數十種儲近聖書院交監院官與山長

司其事爲立管書規條六則讀書門徑七則課書功候

八則福甯書院之有藏書自是始也又上書各大府請

武場添試火器刀矛平時令地方官擇其技精而行良

者授爲團長定期操演以備爪牙格於成例不果行秋



七月遣姪承祿迎嫂黃孺人於蘇州九月命子承禧赴  
省需次爲承祖納婦王氏輯未灰齋詩鈔成初主人鈔  
錄所箸書不欲畱詩福州林香溪致書謂君詩佳者卽  
梅邨仲則不能過之請畱之以雪言樸學者不能詩之  
恥因檢存彙畀香溪校訂焉謹案林君名昌彝道光已亥舉人以進呈所著三禮通釋持旨授建甯府教授君經術是冬開梓小腆紀  
湛深博覽載籍詩亦古雅雋才也  
年林太冲宋左夫任校讎之役謹案林君名鶻泰順人  
嘗與府君書論小腆紀年崇禎十七年眞定知府邱邱茂  
華殺巡撫徐標叛降闖賊一條改定書法府君虛心從  
之書曰書名小腆雅醇無忌自甲申正月起祇是爲三  
藩張本亦自無礙茲崇禎此年正史已刪入本朝諸  
軼事將來無所附麗正可爲此書開宗明義也書做通  
鑿綱目極當自作春秋自爲公穀雖是創格然與正史  
不相沿襲正可自爲一家以示不敢僭妄續史知削觚  
時亦煞費苦心矣書法謹嚴之至攷訂棄取徵信存疑

年譜補

六

既博且精皆無遺議內惟邱茂華殺巡撫一條故質所  
疑殺巡撫是中軍謝嘉福中軍是巡撫麾下首領義等  
君臣今專誅茂華而使操刀賊上之嘉福全脫降賊始  
覺未允夫茂華下獄當日定是叛蹟已露不待降賊始  
爲叛不若據事直書明眞定知府邱茂華叛與中軍謝  
嘉福殺巡撫徐標迎降謹案本府邱茂華知府將嘉福  
縱驍賊降先生用董狐例書法自超然迥異是當國不  
必更書趙穿嘉福卻是徐公之屬非茂華之屬茂華似  
與宣子不同科也宋君名光伯鎮甯人道光戊戌進士  
官福建永定縣知縣汪次安董其事箸延平春秋未成延平者紀

朱成功始末也

庚申年五十一歲

福甯東南濱海故多盜師船久做盜艘出沒於東冲三  
沙之間吏莫敢捕主人勸團練法令沿海各邨編戶口  
出壯丁築望樓修礮臺之圯者捐廉倡修戰艦募廣艇

三勇船四與舟師協緝先後捕獲積年巨盜李水綽號同安鰲等六十二人置於法盜始斂蹟夏四月江南大營潰常州蘇州連陷浙東告警主人念福鼎縣轄疊石分水兩關多坦途浙平陽之飛雲江爲閩北天險白大府請與浙省合兵固守大府以隔省難之議遂格謹案辛酉秋金錢會匪之變飛雲江虛無一兵賊順流擊楫而渡平陽福鼎遂不守論者謂府君有先見云是月右足中寒不能舉步進大溫補之劑旬日而愈未幾又得不寐疾醫家謂積勞所致以節勞戒主人未能用其言遂大劇至秋乃瘳子承禧以迴避改發浙江乞假來省時鄉人避難至者百數十人主人計口授食而內署資用益絀晨炊常不具

年譜補

辛酉年五十二歲

先是主人列六合殉難官紳狀上之江蘇大憲籲請卹典於

朝未奏聞而蘇常又陷文報不可通是歲三月乃撰溫公祠碑六合官紳士民殉難記從金陵吳氏假漢魏碑刻數百種以金石萃編訪碑錄校之刊成小腆紀年二十卷續梓讀書雜釋十四卷未灰齋文集八卷外集一卷徐氏本支世系譜一卷自夏四月不雨至於六月米價踴貴攘竊填衢主人捕渠魁杖之死而嚴飭巨室之閉糶者不數日米價頓減民賴以安未幾而浙江金錢會匪之變作金錢會匪者平陽奸民假團練名徵布金錢

以煽動流俗而趙啓爲之首築寨金角山與瑞安鄉團相讎殺邑令匿不以聞主人偵知其狀密封白制府慶端公請陸師守飛雲江遏其前海師抵前倉搗中堅浙兵由温州襲其後三路並舉賊可盡殲制府遠巡未發而瑞安人遽引廣艇攻前倉殺賊百餘人啓於是倡言復讎掠在籍侍講孫鏘鳴家乘夜入温州開倉庫盡取軍械以出八月渡飛雲江陷平陽進逼分水關主人募鄉勇六百人分守要害而屬福甯鎮陳詔舞統千餘人由福鼎進討適游擊許忠標知縣謝穎蘇赴援西浙假道進師主人畱之助戰啓懼僞納款以緩我師陳信之主人謂賊未創而遽求撫者許也必先勦後撫移書力

年譜補

八

爭之乃已而是時陳以游擊護印事權不屬九月二十九日諸軍禦賊於橋墩門許忠標引兵深入所當摧陷而後軍遽退賊大至忠標潰圍出其第某最驍勇及部卒數十人戰死賊益猖獗制府始檄秦鎮軍如虎會觀察憲德督兵來援賊乘大軍之未至也十月十八日傾隊自橋墩門入守關兵皆潰賊乘勝陷福鼎郡城大震主人亟命子承禧以一軍守楊家溪與候補知縣張堃之駐柘洋者相犄角而捕斬劫掠潰勇十數人眾始定會瑞安人知賊空巢出急攻金角山賊棄營遁我軍掩擊大敗之二十一日復福鼎初制府偕援浙名數徵捐於列郡主人以民力窮困爭之忤制府意至是有以募

勇不實畫語聞者令解任候勘紳耆數十人詣省訟冤  
藩司裕厚公糧道丁公曰健亦力白其枉事得解時援  
兵四集秦鎮軍進薄平陽曾觀察駐郡城爲後繼以主  
人主轉餉事用是體益慝矣

同治元年壬戌年五十三歲

是歲正月初三日官軍入平陽乘勝壓其巢趙啓潛身  
遁餘黨星散分道掩捕悉平之而粵匪已自杭州突金  
嚴陷台處且逼溫州矣先數月主人赴各鄉周覽形勝  
城東七十里之半嶺亭巖地也築礮於其巔嚴關峻堞  
爲郡門戶分鄉勇三百人守之郡城四面環山舊有長  
溪河久淤塞濬深之開壕導水源沿城建飛樓數十座

年譜補

九

增礮臺布鹿角大修守具夏四月處州賊開道陷青田  
景甯出秦軍後進犯瑞安守桐嶺之游擊賴得福全軍  
陣歿賊勢大張時各軍分調四出存城兵不滿千主人  
商諸曾觀察命子承禧率千總毛震豐外委徐榮生以  
五百人由泰順往援敗賊於瑞安之金角山又合諸軍  
大敗之馬與秦鎮軍亦檄都司馬雲標復青田景甯遏

其歸路餘賊盡殲自是不復圖南犯矣

謹案是役也承禧以孤軍赴援

眾皆危之曾觀察謂府君曰賊勢如此可令公子履危地邪府君慨然曰小子從軍已久臨難而避之非義也乃諭承禧曰爾以年少承禧或行治軍安嚴臨敵宜慎毋輕進妄退以誤國亡身承禧抵平陽之洋頭洋頭爲飛雲江上流與金角山相峙時賊奪舟平渡我軍扼之對岸相持十餘日諸路兵始集而游擊李朝安擁兵千餘人觀望不敢進承禧麾勇衝潮渡賊礮石兩發傷數人渡如故賊棄營走追之再勝於馬與又敗之柴橋頭無

何賊大學自湖石至李朝安先走諸軍繼之承禧以所部急迎戰士卒皆殊死關既賊大隊馳至承禧傷於牙眾幾不支會統領張觀察啓從瑞安來援諸軍悉反戰我外委徐榮生先登陷陣賊大潰死傷無算時夏五月先是署撫厲硯秋學使恩官謹案學使儀徵人道丞奏調主人知延平府會新撫徐公宗幹至謹案徐公字樹人嘉慶庚辰進士由知縣歷官福建巡撫諡清惠偶與監司語及主人名曰是非

偕温北屏守六合之徐御史乎素有經世才吾得人矣即檄會觀察還特疏請以主人接辦北路糧臺並浙江温處接壤地方防勤事宜中有經猷夙裕有為有守為閩省緩急可恃之員語

詔俞所請時司庫匱乏輓輸不繼主人念兵勇以餉為天一

日缺餉眾譁且亂乃典貂袿狐裘一襲他物稱是得數

年譜補

百金以應之眾益感奮秋七月復處州遂復台州北路解嚴命承禧撤軍歸初主人患怔忡症夜不能寐至是右目失明力請解任撫軍不允八月朔疾革僚友入問

猶強起與談善後事命承禧承祖承禮檢所箸小腆紀傳藁總為一大篋顧曰此吾未了事好藏之因為述馬

班故事而泣謹案小腆紀傳舊無定本同治丙寅承禮就遺稿為六十五卷緒寫成帙跋曰目小腆紀傳六十五卷先大夫晚年未成之書今謹編目鈔定者也先大夫以道光庚戌充實錄館纂修官恭讀唐桂二王本末之諭為小腆紀年二十卷更采舊聞著為是書彼以年經此以人緯縱橫緯職志命兩兄暨承禮曰余半生精力盡此二書而紀年刊成方識譎舛紀傳舛舛什一舊得稗乘遭亂散亡某人某事雖復省憶時地貲秩無徵不信今天不假年齋志黃壤吾非談彪庸遂責若輩以遷固邪然小子識之矣承禮泣承遺

命念茲事體大遠巡有年大興傳君以禮故熟於明李  
掌故者皆讀紀年知有紀傳介仁和魏君錫曾來索副  
本承禮以原鈔有標目無卷次又字句失辭間有譌奪  
廼盡發手彙清本與魏君參互校勘而時吝疑義於傅  
君不揣僭妄釐次如石募書人繕悉依舊彙則附於義  
藏諸家閱兩載始竟事其中義類難以分畧則於義  
通舊立微者數辱二傳篇自寥寥難以分畧則於義  
師貳臣如大臣陳士奇等武臣邱磊等土司楊之明等  
宦官麗天壽等姦臣劉孔昭等貳臣方國安等逆臣劉  
澤清等原稟劄存其目開取紀年中事實賅備者聯綴  
則注傳闕二字從其真也又清本史可法高宏圖姜日  
廣徐石麒高倬顧錫疇邱祖德各傳謹載本朝賜諡  
他皆闕如今遵欽定勝朝諸臣殉節錄次第增補  
俾體例歸畫一也夫有明南渡後紀事之書不第增補  
餘種類皆分輯見聞偏舉時地惟溫氏睿臨南疆逸史  
李氏瑤釋史勘本據遺統括三藩較爲完備顯溫書  
其體裁病於太簡李書紀次無法詳略失中論者謂先  
公之作可語然承禮編訂譌求是簡欲若不足又有體非夫溫  
李同年可語然承禮編訂譌求是簡欲若不足又有體非夫溫  
書遺聞軼事願承禮編訂譌求是簡欲若不足又有體非夫溫  
散亡傲裴松之注三國志例補紀傳所未及別爲志表

年譜補

十一

無闕史裁則於當日事勢瞭若觀火先人未竟之志庶  
少慰也幼遭不造長復失學文采不足以耀無窮學識  
不足以及繼往古惟此六十五卷之書鈔綴成帙尚賴傳  
君講求魏君腳校之力小涉川其無津涯况乎賴傳  
之事名山之業羅故國之文獻成一卷之述作龍門扶  
風緊豈異人瞻叩前修邈絕攀躋覆誦斯編滋益臯戾  
者矣又察府君甲寅年在六合和溫北屏太守防堵  
六合紀略原韻夕憶原詩尚不失古諫成嫌隙因焚其  
稟易箆之前數夕憶原詩尚不失古諫成嫌隙因焚其  
法度口授汪次安錄之補入未灰艸焉初九日巳未午  
時終於福甯府署正寢閏八月撫軍乃備列主人以死  
勤事狀聞於

朝九月初一日奉

上諭徐宗幹奏知府積勞病故請寬免處分議卹等語福建

福甯府知府徐彙經徐宗幹派令接辦福甯糧臺並浙江

溫處接壤地方防堵事宜俱能悉心經理諸臻妥協茲以

積勞病故深堪憫惻所有上年失守福鼎縣城應得處分著加恩寬免並著照軍營病故例議卹該員長子浙江候補知縣徐承禧在溫處各營隨同勦匪迭著戰功著准其畱於閩省援浙軍營差遣欽此經部議奏奉旨追贈道銜廕一子入監讀書期滿以州判用賜祭葬如例而調知延平府之

命亦先數日下四年乙丑閩浙肅清大府追念主人防勦功

奏請以承禧仍畱福建以知縣補用奉

旨俞允蓋異數也年 月承禧等奉喪歸葬於

賜塋

配沈淑人生子三女三

年譜補

主

長子承禧官生以勦匪功累陞福建遇缺卽補知縣加同知銜 賞藍翎歷署平潭同知光澤縣知縣現任連

江縣知縣娶張氏生子二檉柎女六側室王氏生子楫

次承祖廣東候補縣丞軍功 賞藍翎娶王氏

次承禮廕生候選州判加同知銜娶姚氏生子三楨栻

棟

嗚呼府君幼而岐嶷有成人之量於書無所不窺尤

畱心經世之學說經則本之漢學之精核作文本之

史漢騷選之淵雅而去宋元來空疏不學之弊亦不

爲近人瑣屑摺述之言故爲文覈而通大而有體壽

陽祁文端公見府君軌折節致敬退語人曰是可分

亭林潛邱之席者順德羅椒生尙書亦曰是誠當世  
眞儒也同時名宿如湘鄉曾文正公旌德呂文節公  
道州何子貞太史光澤何願船比部邵陽魏黜深刺  
史平定張石州徵君爭相質難士大夫翕然宗之旣  
受

顯廟特達之知出守福甯諡思以經世自見潔已率物宏大  
綱而略細務凡諸振風飭紀事行之不遺餘力羣小  
畏其不便於己也交構於上官所建請多中格

今上御極之元年

詔直省督撫舉賢能吏徐清惠公舉道府七人府君與焉復

特疏論薦

年譜補

三

朝旨未下而府君已不起矣生平手不釋卷著述多燬於兵  
見存者周易舊注十二卷四書廣義

卷小腆

紀年二十卷小腆紀傳

卷明史藝文志補遺

一卷讀書雜釋十四卷度支輯略十卷未灰齋文集  
八卷外集一卷詩鈔 卷暨禮記彙解戴記呂覽月

令異同疏解說文引經攷延平春秋老子淮南子楚  
詞毛詩爾雅公羊左氏之校勘記各若干卷而小腆  
紀年紀傳二書尤爲晚年精力所注嗚呼府君讀書  
達道思大有爲於世晚雖偃蹇宦途而歸然負一時  
重望況乎千秋之業彪炳不朽聞者興起異日

聖天子疇咨史館



命詞臣討論儒林以宏典策必有進先臣之箸述而甄訪其  
生平事實者則是譜不飾不濫其家乘之足徵者乎  
同治十三年歲在甲戌冬十月男承禧承祖承禮謹  
志

長白受業景廉填諱

年譜補

十四



志

長白受業景廉填諱

同治十三年歲在甲戌冬十月男承禧承祖承禮謹

志

長白受業景廉填諱

